



KEMENTERIAN PENDIDIKAN TINGGI
JABATAN PENDIDIKAN POLITEKNIK DAN KOLEJ KOMUNITI

KENYATAAN MEDIA

JPPKK KOMITED KELANCARAN PROSES PENDAFTARAN PELAJAR BAHARU

PUTRAJAYA - Jabatan Pendidikan Politeknik dan Kolej Komuniti (JPPKK) mengambil maklum dan prihatin terhadap isu yang dibangkitkan di media sosial berkaitan kekangan kemudahan penginapan asrama oleh pelajar baru dan pelajar senior di beberapa buah Politeknik di seluruh negara bagi kemasukan sesi I 2026/2027 yang akan mula mendaftar mulai 21 Jun 2026.

Komitmen kerajaan mempromosikan Pendidikan dan Latihan Teknikal dan Vokasional (TVET) telah menyumbang kepada peningkatan bilangan pelajar yang memilih untuk melanjutkan pengajian di Politeknik dan ini merupakan satu perkembangan yang positif mencerminkan keyakinan masyarakat terhadap kualiti pendidikan TVET negara, peluang pekerjaan dengan tahap kebolehpasaran graduan yang dihasilkan oleh institusi ini. Kesan daripada peningkatan bilangan pelajar ini menyebabkan kapasiti asrama setiap Politeknik hampir berada pada tahap maksima.

Bagi memastikan urusan kemudahan penginapan pelajar berjalan lancar, pihak jabatan telah memperkuat mekanisme penyelarasan bersama Politeknik yang terlibat untuk memantau keperluan penginapan pelajar serta mengenal pasti langkah-langkah sokongan yang bersesuaian mengikut situasi semasa. Pada masa yang sama, pihak Politeknik telah mengambil langkah proaktif dalam membantu untuk memastikan semua pelajar mendapat tempat penginapan.

JPPKK menyeru agar semua pelajar yang telah menerima tawaran untuk terus memberi tumpuan bagi memulakan pengajian dan memohon agar pelajar dan ibu bapa dapat memberi sepenuh kepercayaan kepada pihak JPPKK dan Politeknik dalam mengatasi semua isu yang dibangkitkan. JPPKK kekal komited memastikan setiap pelajar mendapat akses kepada pendidikan berkualiti dalam persekitaran pembelajaran yang selamat, kondusif dan inklusif, selaras dengan aspirasi Malaysia MADANI yang meletakkan kesejahteraan rakyat sebagai keutamaan.

Sebarang pertanyaan lanjut, sila hubungi Bahagian Ambilan dan Pembangunan Pelajar, JPPKK di talian 03-8888 3837/3385/2120/3016.

-TAMAT-

JABATAN PENDIDIKAN POLITEKNIK DAN KOLEJ KOMUNITI
KEMENTERIAN PENDIDIKAN TINGGI
19 JUN 2026